

istius curas vel quae singulis quibusque sunt propriae vel quae multis solent esse communes : metus intolera-  
biles iudiciorum et extrema nonnunquam pericula quae  
ex invidia civium plerumque nascuntur, miserabiles illos  
55 labores et servile adulatonis ingenium, immo et servis  
quoque qui honestiores paulo videntur indignum, terre-  
norum operum breves fructus quorum infelici cupiditate  
deficiunt. Multi etiam voluptate ob quam tot labores  
impenderint caruerunt et priori omni aevo in sollicitu-  
60 dinibus periculisque consumpto, tunc cum se recepisse  
emensi sudoris putavere mercedem, subita morte pree-  
venti nihil secum ex his quibus, ne hic quidem, uti potue-  
rant, abstulerunt. Nec immerito. Nam si huius telluris  
imperatorem vix alicui post multa discrimina, post fre-  
65 quentia trophya bellorum, cum auctoritate promerita  
videre contingit, quemadmodum caelestem [omnium]  
poterit intueri ille qui per totum suae tempus aetatis  
alii vixerit et alii militaverit ?

5. Age ut et domesticas quae in uxore, filiis servulisque  
sunt sollicitudines dicam : durum esse filios non habere,  
durum et habere monstrabo, quorum alterum frustra  
nuptiis inligari est, alterum amarissimae succumbere  
5 servituti. Aegritudo temptavit parvulum, formido pree-  
cipua ; immatura mors disrupt, orbitas non ferenda ;  
crescentibus deinceps annorum gradibus quoque curam  
adipiscitur animorum ac semper pro ipsis aut timorem  
parens sustinet aut dolorem. Atque taediosum est si se  
10 magis pauperem quis agnoscat uxorem ; grave etiam si